

FORUM ONG TIMOR LESTE THE TIMOR LESTE NGO FORUM



Rua do Mercado Municipal, Díli Timor-Leste / Mobile +670 7723 5698 / forumong.tl@gmail.com / <https://fongtil.org.tl/>

Relatóriu Diskusaun Entre Sosiedade Sivil Kona ba Isu Nasionál Hodi Konsidera Iha Prioridade Orsamentu Jerál Estadu 2025

Abril 2024

Konteúdu

| | |
|---|----|
| Introdusaun | 1 |
| 1.1. Objetivu husi Sorumutu | 2 |
| 1.2. Tempu no Fatin | 2 |
| 1.3. Sumáriu ba Situausaun Jerál Sosiu-Ekonómiku iha Timor-Leste | 2 |
| 1.4. Identikasaun Kondisaun Atuál Husi Munisípiu 13 no RAEOA | 3 |
| 1.5. Rekomendasaun Sira Haktuir ba Komentariu no Identifikasaun Isu Nasionál..... | 11 |
| 1.5.1. Setór Saúde..... | 11 |
| 1.5.2. Setór Edukasaun..... | 12 |
| 1.5.3. Infrastrutura..... | 13 |
| 1.5.4. Setór Bee no Saneamentu..... | 13 |
| 1.5.5. Investe iha Setór Produtivu Sira..... | 14 |
| 1.5.6. Turismu | 14 |
| 1.6. Konkluzsaun | 14 |

Introdusaun

Iha dekada rua liu ba, Timor-Leste hahú ona prosesu ba dezvoltimentu sosio-ekonomiku, ne'ebé kontinua la' o ho progresu no dezafiu sira. Hahú husi independénsia iha 2002, Timor-Leste halo ona esforsu significativu hodi harii fali ninia infraestruturá, estabelese instituisaun demokrátiku sira, no promove koezaun sosiál. Restaurasaun pás no estabilidade hafoin tinan hirak ne'ebé konfliktu nian sai hanesan baze ba progresu, hodi permite Governu atu foka liu ba esforsu sira atu harii nasaun. Estabelesimentu instituisaun xave sira hanesan Parlamentu Nasionál, ajénsia judisiáriu no anti-korrupsaun hametin ona nasaun nia demokrátiku no harii baze ba governasaun ne'ebé akontavel.

Sosiedade sivil nudár mós entidade importante ida ne'ebé konsidera nudár parseria ba dezvoltimentu nasional iha responsabilidade moral atu kontinua observa no deskute kona ba situausaun no kondisaun hirak ne'ebé comunidade no nasaun sira enfrenta hodi kontinua hatoo ba Governu nudár autór implementadór ba desizaun polítika públíka ne'ebé a favor ba povu no territóriu tomak. Nune'e, sorumutu ida ne'e FONGTIL hola iniciativa atu kontinua fasilita espasu ba Membru ONG sira no representante Rede Setoral sira atu atualiza no identifika isu nasional hanesan haktuir ba knaar prinsipál FONGTIL nian iha Dekretu-Lei Nu. 5/2005 loron tolu (3) Agostu.

En jerál FONGTIL no Membru ONG sira no representante rede sectoral sira kontinua akompañia situasaun sira ne'ebé kada comunidade husi Munisipiu 13 no RAEOA hasoru, no konsidera diskusaun refere hanesan meius ezensiál ida atu promove demokrasia, promove koezaun sosiál no responde ba dezafiu sira ne'ebé Timor-Leste hasoru ho maneira konstrutivu no inkluzivu liu. Total partisipante sira husi Membru ONG Munisipiu 13 no RAEOA inklui rede setór sira hamutuk 253 husi feto 99 no mane 154.

1.1.Objetivu husi Sorumutu

1. Promove partisipasaun Sociedade Sivíl ativu hodi Diskute Isu Nasional hodi submete Paraser ba Governo no Parlamentu Nasional;
2. Diskute Isu Nasional hanesan Infraestrutura Baziku, Saúde, Edukasaun no Agrikultura.

1.2.Tempu no Fatin

Sorumutu refere finansiadu husi Gabinete Apoiu Sociedade Civil – GASC ne'ebé hala'ó durante loron rua husi 23 Abril to'ó 24 Abril 2024 iha Salaun Universidade Católica Timor-Leste.

1.3.Sumáriu ba Situasaun Jerál Sosciu-Ekonómiku iha Timor-Leste

Ekonomia Timor-Leste hetan ona períodu kreximentu ne'ebé forte liu-liu tanba nia rekursu husi reseita mina no gás. Mezmu nune'e, reseita husi kampu úniku no limitadu hanesan Bayu Undan ne'ebé fornese ona kuaze biliaun \$25 remata ona nia rezerva. Realidade, FP ne'e rasik fornese rekursu finanseiru signifkativu ba Governu atu investe iha infraestrutura, kuidadu saúde, edukasaun no programa redusaun kiak. Projetu infraestrutura sira hanesan estrada, ponte no portu sira hahú hadi'a ona konetividade no fasilita dezvoltimentu ekonómiku no iha esforsu balu atu promove diversifikasaun ekonomia sustentavel no resolve problema sosiál sira ne'ebé daudaun povu no nasaun hasoru.

Infelizmente Timor-Leste hasoru dezafiu barak iha ninia dalan ba dezvoltimentu sosio-ekonomiku, kondisaun hirak ne'e hatudu liu husi taxa ki'ak multidimensionál 41.8%, kondisaun inseguransa ai-han 27% (IPC 2023), inklui labarik ho idade 0-5 mak sofre stunting ka raes badak ho 47.1%, dezempregu aas no kondisaun sosiál sira seluk. Maibé, nasaun ne'e nafatin depende maka'as ba reseita mina-rai no gás nian, hodi hatudu volatilidade ba folin iha merkadu produktu globál sira ne'ebé susar atu ita rasik kontrola iha nia investimentu. Presu mina-rai ne'ebé tun iha tinan hirak foin lalais ne'e hatudu katak iha urjénsia atu diversifika ekonomia no hamenus dependénsia ba rekursu natural husi Bayu Undan ne'ebé rezerva remata ona ka la hatudu valór komérsial ona.

Preukupasaun seluk mak Governu kuaze foti osan hodi finansia Orsamentu Jerál Estadu kada tinan ho maizumenus biliaun \$1.9 ne'ebé maioria mai husi Fundu Petrolíferu ho kuaze 80%, ida ne'e hatudu katak Timor-Leste iha duni situasaun preukupadu atu buka alternativu ida ne'ebé sustentavel hodi asegura katak rekursu limitadu husi FP asegura jersaun agora no jersaun tuir mai liu husi investe makaas ba setór hirak ne'ebé bele ajuda estimula kondisaun ekonomia doméstika ida seguru no dura ba tempu naruk.

Nune'e, Orsamentu Estadu ne'e importante tebes ba Timor-Leste tanba razaun katak liu husi OJE determina oinsá rekursu públiku sira aloka ba setór importante sira hanesan edukasaun, kuidadu saúde, infraestrutura no ben-estar sosial nian inklui investe ba set'or importante sira ne'ebé bele reforsa ita ba diversifikasaun ekonomia ida sustentável. Hirak ne'e bele refilete iha prioridade no polítika Governu nian no diretamente sei afeta ba sidadaun sira nia moris lor-loron. Bainhira la hó jere di'ak rekursu públiku nian ne'e sei fó ameasa ba nasaun liu-liu bainhira hasoru kondisaun rai-naruk fiskál.

Entretantu bainhira hala' o diskusaun ho Membru ONG Munisípiu 13 no RAEOA inklui Rede Setorál sira, konsege identifika isu balu ne'ebé seidauk sufisiente ba hadi'ak kondisaun siosu-ekonómiku povu nian.

1.4. Identikasaun Kondisaun Atuál Husi Munisípiu 13 no RAEOA

Iha loron 23 – 24 Abril 2024, FONGTIL no Membru ONG sira iha Munisípiu 13 no RAEOA inklui rede setorál sira mak hanesan tuir mai.

| Munisípiu | Kondisaun Atuál |
|--|---|
| Autoridade Administrativa ATAÚRO: | <ul style="list-style-type: none"> - Setor Agrikultura nian comunidade oras ne'e dadaun barak mak la halo to'os tamba la iha kondisaun ne'ebe bele asegura sira nia produto buras ka fo isin diak atu sira konsumu impaktu husi mudansa klimatika. - Setor Infraestrutura Báziku Estrada no be'e mos la iha rezultadu nune comunidade nafatin halerik ba asuntu hirak ne'e ho durasaun tempu naruk. - Preukupasaun seluk mak kondisaun Portu Atauru ne'ebé la adekuaudu atu roo boot estasiona ba. - Telekomunikasaun nafatin sai dezafiu boot iha Ataúru. - Tenkei ha protesaun ambiente no promove eco-turismu. |
| MUNISIPIU LIQUIÇA | <p>Setór Saúde</p> <ul style="list-style-type: none"> - Stock Aimoruk laiha, pesoál saúde menus - 2021 organizasaun Fundasaun Moris Foun (FMF) implementa projetu Auditoria Sosial parseria ho SASCAS halo auditoria ba suku 21 iha Munisipiu Liquica ba area saude nian. Entre suku hirak ne'e suku loi dahat tuir Monitorizasaun posto saude at ona iha relatoriu maibe sedauk iha mudansa - rekomenda atu hari posto saude foun ida iha aldeia watunau atu fasilita comunidade sira ne'ebe hela besik, tuir dados 2021 total populasaun 1400 - Posto saude suku lukulai 2002 ate agora la iha posto saude la iha <p>Setór Infraestrutura - iha posto saúde ne'ebé presiza atu konstroe iha Suku Ebeu, Ekapu, Caulara, Darulete, Metagou, Lisadila, Lisaiko no Asu-Manu. Iha Liquiça rasik mós presiza instalasaun eletrisidade husi suku to' o aldeia ne'ebé realidade seidauk kompletu hanesan iha:</p> <ul style="list-style-type: none"> - Aldeia Ranaba, Erito, Pales Tala (Suku Gugleur); - Aldeia Bautalo, Guai (Suku Lisadila); Aldeia Lisaiko, Gariana (Suku Vatulou); - Aldeia Sabulau (Suku Vatuboro); Aldeia Hunahei (Suku Lukulai); - Aldeia Kaikasiko – Estupa (Suku Asu-Manu). <p>Kondisaun Estrada nafatin sai preukupasaun boot iha:</p> <ul style="list-style-type: none"> - Loes – Bantur - Loes – Asulau - Lisadila – Maubara Lisa – Gugleur - Lisaiko – Gariana - Rainaba – Erito, Leotela - Dato – Saulete-Asu-Manu - Lukulai - Kaitehu – Borlete - Pilila – Fatumasi. <p>Seluk konstrusaun foun Multi-Suku: Mota-ulun, Fahilebu, Ulmera.</p> <p>Konstrusaun Bee moos husi mota Katota Loa Asu – Manu – Liquiça Maizumenus 30 KM. Nune'e sujere atu halo konsersasaun bee matan iha munisípiu Liquiça.</p> <p>Setór Edukasaun – presiza atu hadi'ak rehabilita no mobiliariu eskola aumenta fasilidade sira, inklui sala aprendizajem iha:</p> <ul style="list-style-type: none"> - EBF – Eluli/Gugleur, EBF-Vatuvou/Gariana. |

| Munisípiu | Kondisaun Atuál |
|----------------------------------|---|
| | <ul style="list-style-type: none"> - EBF – Asi-Manu. Problema hanesan mos akontese ba medida aula iha eskola publiku sira iha Munisípiu Liquica ne’ebe ho nia medida 3X6 akomula estudante liu husi 60 kada aula Ex: ESGP No. 1 Liquiça. - Ba sanitasaun Haris fatin feto ho mane hamutuk deit iha eskola publiku sira iha munisípiu liquica <p>Setór Agrikultura: Servisu extensionista iha suku la funsiona, produsaun agrikola menus tanba hand tractor at hotu, no irigasaun la funsiona, liu-liu la aproveita ezistencia husi mota Loes nian.</p> <p>Seluk mak liga ho pesoal guarda Floresta sira menus no servisu ne’ebé iha kuaze la tuir sira nia tarefa. Kestaun ida kona ba funcionamentu protesau ambiental kuaze la funsiona, tanba animal sira husik livre.</p> <p>Iha Liquiça rasik mós nakonu ho fatin turistiku sira, nune’e importante atu identifika fatin potencial ba turismo sira.</p> |
| <p>Munisípiu Lautem</p> | <p>Setór Saúde:</p> <ul style="list-style-type: none"> - Menus Rekursu Umanu tanba laiha doutor espesial, laiha parteira iha postu saúde sira, no hasusar inan sira bainhira atu partus, laiha pessoal saúde iha area nutrisaun nian. - Menus facilidade apoiu ba servisu atendimentu saúde nian, inklui hanesan menus ambulánsia. - Iha edifísiu saúde nian laiha asesivel ba ema defisiénsia. - Menus Stock Ai-moruk - Postu Saúde sira no Centro Saúde sira laiha manutensaun ba edifísiu. <p>Setór Edukasaun</p> <ul style="list-style-type: none"> - Menus professores - Problema merenda escolar - Menus sala aprendizajem - Laiha biblioteca - Ambiente eskola la adekuaudu <p>Setór Infrastrutura Bázika</p> <ul style="list-style-type: none"> - Estrada ba municípiu, postu no suku - Bee mos - Area remotas seidak asesu ba liña eletrisidade. <p>Setór Agrikultura</p> <ul style="list-style-type: none"> - Menus tractor - Menus Produsaun Agrikultura - Toos/Natar barak mak abandona - Servisu extensionista la efetivu - Ema produtivu ba agrikultura menus <p>Meiu Ambientál:</p> <ul style="list-style-type: none"> - Animal husi livre - Menus jestaun ambiente nian <p>Setór Turismo:</p> <ul style="list-style-type: none"> - Biodiversidade iha área parque nasional sira la hetan kontrolu ho di’ak - La valoriza no utiliza di’ak fatin ne’ebé representa identidade kultural. - Menus atividade ba promove turismo. |
| <p>Munisípiu Manufahi</p> | <p>Infrastrutura Estrada, kondisaun Estrada hirak ne’ebé presiza atu hadi’ak mak hanesan:</p> <ul style="list-style-type: none"> - Estrada Same-Natarbora - Estrada Same-Tutuluru-Mindelu - Estrada Same-Fahinehan-Turiscái <p>Setór Agrikultura</p> <ul style="list-style-type: none"> - Menus tractor - Irigasaun Karau ulun laiha manutensaun |

| Munisípiu | Kondisaun Atuál |
|----------------------------------|--|
| | <ul style="list-style-type: none"> - Peste ataka batar no hare - Seidauk resolve moras animal hanesan fahi, manu no karau. <p>Setór Eduksaun</p> <ul style="list-style-type: none"> - Laiha biblioteka iha eskola (pre-eskolar, EBC, EBF, sekundáriu. - Menus rekursu manorin nain sira <p>Setór Saúde</p> <ul style="list-style-type: none"> - Menus ambulánsia - Menus pesoál saúde - Menus material médiku - Laiha Centro Rehabilitasaun ba ema ho defisiensia (moras mental) <p>Problema sosiál sira</p> <ul style="list-style-type: none"> - Sistema instalasaun kontadór bee husi BTL EP, foin instala fulan 1 selu hahú husi DL aprova. Karik presiza klaru iha implementasaun - Mudansa fatin refinaria iha betadu - Rede komunikasaun sosiál sai problema iha area remotas sira. |
| <p>Munisípiu Viqueque</p> | <p>Setór Infrastrutura Báziku</p> <p>Estrada</p> <ul style="list-style-type: none"> - Estrada iha postu: Uatulari, Uatucarbau, Lacluta - Estrada iha suku: Nahareca, Uaibobo, Liaruca, luca, Bubur laran <p>Ponte ne'ebé kondisaun presiza hadi'ak mak: Welolo, Wenunuc, Mota Dilor.</p> <p>Fornesimentu Bee:</p> <ul style="list-style-type: none"> - Iha Viqueque vila kuaze comunidade sira hola rasik Sanyo hodi bee iha mota laran (uma kiik) - Uma uain leten; instalasaun bee iha (bee barak iha tempu udan bailoron bee menus) - Ossu Nahareca, Uaibobo, Liaruca - Grupu jestaun fasilidade bee sira kuaze la funsiona no FPA la vizita Sistema - Seidauk halo teste ba qualidade bee <p>Setór Agrikultura</p> <ul style="list-style-type: none"> - Natar Bicarín, funsionamentu natar la' o di'ak maibé sei uza irigasaun tradisional - Natar Buanurak, natar la utiliza ona <p>Holtikultura</p> <ul style="list-style-type: none"> - Produsaun batar ladi'ak tanba estraga husi peste. <p>Setór Edukasaun</p> <ul style="list-style-type: none"> - Ensino baziku suku Uaibobo kadeira tur ho au <p>Setór Saúde</p> <ul style="list-style-type: none"> - Suco bahatata ho Irabin de Ama falta médiku¹, kontratado enfermeiro nain 2, Irabin de Ama, ; Mediku permanente 1, Parteira kontratadu nain 3. - Problema mal nutrisaun iha Viqueque ho total 48.82%. - Suku Orsuruk laiha Postu Saúde - Presiza aumenta ambulansia iha postu saúde. |
| <p>Munisípiu Bobonaro</p> | <p>Infrastrutura</p> <ul style="list-style-type: none"> - Estrada husi kapitál Maliana ba postu Cailaco, Bobonaro no Lolotoe no Batugade ba Barbo. - Estrada Atabae-Maliana. - Bee mos presiza iha manutensaun - Presiza iha rehabilitasaun ba merkadu Maliana <p>Setór Saúde</p> <ul style="list-style-type: none"> - Sentru saúde suku Atudara la funsiona - Menus Pesoál saúde - Sala maternidade kada postu laiha <p>Agrikultura</p> <ul style="list-style-type: none"> - Irigasaun Maliana no Bilimau |

| Munisípiu | Kondisaun Atuál |
|-----------------------|--|
| | <ul style="list-style-type: none"> - Peste karakul/Peste animal ne'ebé estraga hotu toos no natar sira <p>Setor Edukasaun</p> <ul style="list-style-type: none"> - Menus fasilidade apoiu aprendizajem - Menus sala aprendizajem nune'e kauza sala ida kobre alunus barak - Menus professor/a - Eskola barak kondisaun grave inklui biblioteka - Professor kapasidade seidauk suficiente iha área teknolojia, presiza formasaun - Seidauk estabelese klase rekorente ba ema ho defisiensia. <p>Setor Social</p> <ul style="list-style-type: none"> - Presiza aumenta tan postu ida iha Maliana - Presiza aumenta/reativa suku ida tan iha Ritabou - Presiza reforsa defeza seguransa iha área fronteira hodi Evita tranzaksaun illegal sira. |
| Munisípiu Dili | <p>Setor Edukasaun</p> <ul style="list-style-type: none"> - Presiza asegura implementasaun política fila hikas ba eskola - Menus fasilidade Sanitasaun iha eskola públiku sira - Uniformiza Kurrikulu aprendizajem ensinu sekundáriu - Reforsa formasaun no avaliasaun dezempeñu manorin nain sira - Alokasaun orsamentu ba setor edukasaun (infrastrutura báziku sira) - Implementa ho di'ak liu ba programa merenda escolar - Mekanizmu apoiu servisu rede referral presiza reforsa. <p>Setor Saúde</p> <ul style="list-style-type: none"> - Stock Ai-moruk iha Centro Saúde sira kuaze laiha ba medikamentu importante sira - Ekipamentu ne'ebe menus iha Centro Saude sira - Menus profissionais Saúde - Hadia Sistema atendimentu avaliasaun dezempeñu professional saúde sira. - Haforsa promosaun saúde sira - Tratamentu espesial ba grupu vulneravel sira - Hadia infrastrutura báziku iha sentru Saúde sira hotu <p>Infrastrutura báziku</p> <ul style="list-style-type: none"> - Rehabilita kondisaun infrastrutura ne'ebe qualidade no asesivel - Presiza implementa ona Planu Ordenamentu Urbanu Dili nian ne'ebe estudu iha ona (multi-sektoral, jestaun lixu, distribuissau bee moos nsst) <p>Agrikultura</p> <ul style="list-style-type: none"> - Aumenta alokasaun orsamentál ba setor importante ne'ebe konsidera nudár setor alternativu. - Formasaun espesífiku toos nain sira - Estabelese centru treinamentu - Investe ba elevasaun produktu lokál no asegura atu la compete ho produktu importasaun sira. <p>Justisa</p> <ul style="list-style-type: none"> - Lei investimentu tenke klaru liu-liu ba estrangeiru hirak ne'ebé atu mai investe iha setor xave sira laos kontinua mai ho negosiu hirak ne'ebe Timor-oan rasik bele realiza, hanesan loja kiik faan sasan importadu sira. - Lei rai nian tenke estabelese no implementasaun tenke la'o hodi Evita problema no konflitu sira kona ba rai, - Lei organizaun Investigasaun Kriminal importante atu estabelese hodi haree ba atu krimi deskontroladu sira entre sociedade, dalaruma agente PNTL, no instituisaun PCIC. - Socializasaun ba tratamentu passaporte online. <p>Setor Ekonomia</p> <ul style="list-style-type: none"> - Finansiamentu públiku |

| Munisípiu | Kondisaun Atual |
|---------------------------|---|
| | <ul style="list-style-type: none"> - Fatin adekuaudu ba vendedor ai-leba sira - Presiza implementa politika diversifikasaun ekonomia - Promove nafatin transparensia no partisipasaun. |
| Munisípiu Covalima | <p>Setór Saúde</p> <ul style="list-style-type: none"> - Menus rekursu umanu - Menus facilidade hanesan kama ba pasiente sira, kadeira, meza nsst - Transporte ba pesoal saude sira kuaze hotu aat no la halo manutensaun - Rezidencia ba pesoal saude sira iha postu saúde iha suku sira laiha Setór Agrikultura - Irigasaun laiha no iha natar barak mak abandona ona - Animal husik livre hodi estraga comunidade sira toos - Peste kafenutu Estrada produsaun ai-han iha postu Zumalai. <p>Setór Edukasaun</p> <ul style="list-style-type: none"> - Menus sala ba aprendijazem - Menus manorin nain - Eskola tekniku vikasional (ETV) menus facilidade ba apoiu Pratika. <p>Infrastrutura</p> <ul style="list-style-type: none"> - Estrada husi munisípiu ba postu seidak di'ak (Fohoren no Fatumea) - Eletrisidade seidak too iha aldeia sira. |
| Munisípiu Ermera | <p>Setór saúde</p> <ul style="list-style-type: none"> - Postu saúde ne'ebé menus facilidade apoiu sira no pesoal saude - Quantidade ambulansia no kombustivel ne'ebe presiza fasilita mós liu-liu susar tebes situasaun ne'e bainhira hasoru situasaun emerjensia. - Presiza reativa liu fali vizita família no saude mental - Tenkei ha jestaun lixu (foer medical nian) - Asesibilidade postu no sentru saude inklui facilidade tratamentu espesial sira. <p>Setór Agrikultura</p> <ul style="list-style-type: none"> - Tratamentu Café - Irigasaun ne'ebé la apropriadu - Produtividade servisu extensionista sira - Mekanismu distribuisaun bibeiros sira - Sistema birokrasia lisensiamentu atividade koa ai ne'ebé nafatin la suficiente ba apoiu comunidade hirak ne'ebé interese realiza atividade refere. - Problema mudansa klimatika afeta tebes ba atividade agrikultura nian - Peste atake produsaun sira hotu <p>Setór Edukasaun</p> <ul style="list-style-type: none"> - Menus professores iha kuaze eskola sira hotu - Menus sala aprendijazem inklui biblioteka - Jestaun rekursu umanu iha setór edukasaun - Eskola tekniku vokasional laiha kondisaun atu fasilita praktika sira - Infrastrutura no kondisaun la asesivel <p>Infrastrutura</p> <ul style="list-style-type: none"> - Estrada suku Koliata leo telo - Estrada estadu Raimerhei - Postu liga ba suku. - Eletrisidade, iha aldeia balu laiha funsionamentu. <p>Setór Turismu</p> <ul style="list-style-type: none"> - Be manas Leimea craik - Be Mutin Atsabe, Mota Bandeira - Lagoa Eraulo nsst. |
| Munisípiu Manatuto | <p>Infrastrutura</p> <ul style="list-style-type: none"> - Bee mos la suficiente (postu 6) |

| Munisípiu | Kondisaun Atuál |
|--------------------------------|---|
| | <ul style="list-style-type: none"> - Estrada iha área rural (postu 6) - Uma postu saúde la adekuaudu ba atendimentu pasiente no laiha alojamente ba médiku sira <p>Setór Agrikultura</p> <ul style="list-style-type: none"> - Natar barak abandona tanba falta irigasaun kontinua uza Sistema tradisionál hodi fó impaktu ba produsaun ladun di'ak, nune'e presiza hasa'e no hadia kuantidade no qualidade. <p>Edukasaun</p> <ul style="list-style-type: none"> - Menus manorin nain sira - Falta fasilidade escolar - Rekrutamentu la tuir kriteria - Merenda escolar la tuir ninia standar - Hadia qualidade edukasaun <p>Setór Saúde</p> <ul style="list-style-type: none"> - Menos mediku/ pessoal saúde - Falta medikamentus, fasilidade no ekipamentus - Área geografikamente transporte atu bele fasilita inan isin rua no moras grave ba hospital (munisípal/nasionál) <p>Setór Sósiu-Ekonomiku</p> <ul style="list-style-type: none"> - Rendimentu subsistensia seidak signifkativu - Merkadu domina ho xineza - Esportasaun fós husi nasaun seluk - Hadia lei merkadu livre - Dezempregu mantein aas iha rai-laran <p>Justisa</p> <ul style="list-style-type: none"> - Justisa at'e agora la justu ba ema hotu kondena ba ema kiik no ki'ak sira no dignidade ba ema boot sira no grupu balu de'it. - Justisa haree liu ba grupu no familiarismu - Polisia hala'o atensaun la profisional |
| <p>Munisípiu Aileu</p> | <p>Setór Edukasaun</p> <ul style="list-style-type: none"> - Menus professores iha EBC-Erhetu - Distansia asesu ba eskola, entre professores no estudante sira - Menus manorin nain iha disciplina importante - Problema sala aprendizajem iha eskola kafé <p>Setór Saúde</p> <ul style="list-style-type: none"> - Falta aimoruk - Sentru saúde iha Betulou laiha - Area rurais asesu ba sentru saúde ho distansia dook - Kazu HIV-AIDS númeru aas. <p>Setór Agrikultura</p> <ul style="list-style-type: none"> - Produsaun holtikultura menus - Rai krekas - Pestisida ataka toos sira - Fini hibrida, adubu kímiku - Trator - Polítika Rehabilitasaun Kafé - Moras Animal kontinua la resolve - Extensionista la funsiona, no presiza hasae koñesimentu tekniku - Irigasaun laiha <p>Infrastrutura</p> <ul style="list-style-type: none"> - Saúde la asesivel - Saburia comunidade - Bexu-lau laiha sentru saúde |
| <p>Munisípiu Baucau</p> | <p>Setór Saude</p> <ul style="list-style-type: none"> - Falta aimoruk antibiotiku sira hodi prejudiku prosesu operasaun. |

| Munisípiu | Kondisaun Atuál |
|--------------------------------|---|
| | <ul style="list-style-type: none"> - Presija kria Banku de Sange iha HOREX Baucau. - Laboratoriu hasai ran kompletu. - Infraestrutura : Maioria sentru saude la iha Aksesibilidade nebe'e asesivel ba ema ho defisiensia <p>Setór Edukasaun</p> <ul style="list-style-type: none"> - Iha eskola filial sira ne'ebe ho kondisaun la diak, - Maioria menus fasilidade Laboratoriu no Biblioteka. - Presija Aumenta Manorin Nain Sira iha Eskola Filial Sira. - Presija manorin hodi bele hanorin ema ema ho defisiensia Matan. - Programa Merenda eskolar : - Presija promove produto lokal iha Programa merenda eskolar. <p>Infrastrutura ;</p> <ul style="list-style-type: none"> - Prosesu rehabilitasaun Aeroportu ninia prosesu to'o ona iha ne'ebe. - Hadia sistema atendentu konaba kanalizasaun Be'e Mos ba komunidadade sira. - Prosesu Timor Cement Ninia Posesu to'o iha ne'ebe ona. <p>Agrikultura:</p> <ul style="list-style-type: none"> - Estensionista husi Agrikultura ne'e iha baze la besik komunidadade sira. - Kria merkadu kolektivu ba produktu lokal. - Kria sentru formasaun ba Agrikultura. - Aumenta fini produktu sira inklui fahe antes. |
| <p>Munisípiu Ainaro</p> | <p>Setór Saude Rekomenda ba ministeriu saude atu tau atensaun ba postu saude manelobas postu maubisse tamba postu saude iha suku manelobas hahu kedas husi tempu Indonesia ate agora sedauk iha postu saude permanente ida, maske ekipa tekniku husi ministeriu saude halo ona levantamentou ba postu saude refere ate a data sedauk realiza.</p> <p>Rekomenda ba ministerio saude tau tan pessoal saude iha postu saude Bonuk, no konstrusaun postu saude no pessoal saude iha gou-lau Kablaki Hun.</p> <p>Setór Agricultura Municipiu Ainaro konhecido hanesan fatin ba agrikultura, liu liu Maubisse Hatobuilico ne'ebe sai fatin ba horticultura maibe ate agora governu liu husi ministerium agrikultura seidauk dezenvolve ho maksimu, iha sorin seluk atu fasilita komunidadade hodi transporta sira nia produto ba merkadu domestica no nacional susar tebes tamba kondisaun Estrada aat.</p> <p>Setór Turismo Municipio Ainaro potencial ba setor turismo maibe ate a data governo lui husi ministerio turismo sedauk dezenvolve fatin sira ne'e ho maximu, maske iha fatin balun komesa dezenvolve ona exemplo hanesan Rabilau ho Ramelau. Presiza dezenvolve turismo comunitario iha Tastopa, bikantidi postu administrativo Hato-udo.</p> <p>Setór Edukasaun Iha postu Administrativu Hato-udo, presiza konstrui edifisiu escola no aumenta professores iha Escola EBF 1,2 ciclo Raibere, Goulau no Buifu, tamba iha escola nebe mensiona profesores menus no alunus barak maibe sala de aula la suficiente.</p> <p>Infrastrutura Ho apresentasaun ne'ebe ami mensiona iha nee konaba isu isu importante sira liu liu konaba infrastrutura, atu governu bele konsidera nune'e bele halao dezenvolvimentu ba:</p> <ul style="list-style-type: none"> - Estrada ligasaun Maubisse Hatobuilico, Estrada Ligasaun Hatobuilico Ainaro. - Estrada ligasaun Urahou Maubisse ba postu Turiscau Manu-fahi. - Estrada ligasaun Cassa ba Hato-udo no Hato-udo ba aiasa Same, hato-udo goulau kablaki hun, Hato-Udo bobo, Bonuk no Buafu. |

| Munisípiu | Kondisaun Atual |
|-----------|---|
| | <p>Atividade Ekonomia</p> <ul style="list-style-type: none"> - Rekomenda atu governu tau atensaun ba Merkadu municipal ainaro nebe nia kondisaun at tebes. |
| RAEOA | <p>Setór Saúde</p> <ul style="list-style-type: none"> - RABIES iha Oecusse afeita ona ema nain 77 mak hetan ataka husi ASU - PESOAL saude menus iha Posto Saude, impaktu husi mudansa politika foun nebe hakotu fungsionario contratado sira/agenti saude - Kareta Ambulansia sei kontinua la sufsiente hodi fasilita Pasiente sira husi Posto Saude mai Hospital Referral - Stok Oxigen sempre menus iha Posto Saude no Centru Saude tamba ne'e prejudika Pasiente sira iha situasaun emergencia - Menus facilidade iha sala maternidade (Kama) - Be'e iha Posto Saude mayoria mak la iha (Oenunu, Tumin, Pune.) - Presiza Makina test DNA <p>Setór Edukasaun</p> <ul style="list-style-type: none"> - Menus profesores iha Ensino Basiku to'o Ensino Sekundario, la iha prosesu aprendizasem ba materia ciencia balun maibe halao Ezame. - Facilidade eskola menus (Kaderneta, Kadeira & meja) - Eskola barak mak menus be'e mos no Sanitasaun - Merenda eskolar ninia menu la tuir padraun standar Nasional (hahan latarias, ayam potong, sosis) <p>Setór Agrikultura</p> <ul style="list-style-type: none"> - Fini nebe Agrikultor sira uza tuan liu ona no la adapta ba mudansa Klimatika e peste - Sistema irigasaun la sufsiente ba to'os no natar - Jestaun Facilidade traktor la dun diak ba atende nesiedade comunidade - Ai-moruk hamate dut halo rai barak mak la produktivo ona ho komoditi lokal nebe comunidade sira uza (Se bele halo lakon) - La iha politika husi Governo hodi kontrola Sistema halo to'os Lere no Sunu kada tinan. - Agenti barak mak sira nia kontratadu hakotu no abandona assistensia tekniko ba agrikultor - Centro Logistika Nasional ninia prezensa la iha Oecusse. - La iha subsidio ba agrikultor sira hodi apoio prosesu kultivasaun - Resistensia Agrikultor sira la muda hahalok negativo ba prosesu kultivasaun - Maun de Obra Karun halo Agrikultor sira la iha kapasidade Finanseiro hodi halo to'os/Natar/To'os Modo - Governo seidak tau prioridade ba seitor Pequario nudar BANKU ba Familia <p>Infraestrutura</p> <ul style="list-style-type: none"> - Dalan konektividade husi suco area rural mai Oecusse Aumenta at tan deit (Lela Ufe, Ucitaco, Malelat, Bobometo, Ucitaqueno, Ucitasae, Bene Ufe) - Irigasaun Tono presiza halo Jestaun diak, tamba agora dadauk material Rai henek mak nakonu. - Autoridade presiza resolve lalais Aviaun ZEESM, Ro Haksolok, Jardim Oebau, Monumento Lifau, Edifisiu Administrasaun - Presiza estabelese PRIZAUN, Centru Rehabilitasaun, iha Oecusse. - Facilidade Merkado la iha KONDISAUN (Kapital, POSTU) <p>Isue Sosial:</p> <ul style="list-style-type: none"> - Governo E Estado presiza Define klaru estatuto Rai nebe sei kontinua problema hela, hanesan Naktuka, sira seluk. - Menus facilidade no pesoal iha Fronteira hodi kontrola movimento. - Prosesu recrutamento la aberta no nakonu ho politika e familiarismo - NGO Internasional Implementa Programa direita la konsedeira NGO lokal, tamba ne'e dumpla aktividade iha terenu |

| Munisípiu | Kondisaun Atuál |
|-----------|--|
| | <ul style="list-style-type: none"> - Fundus Sosiedade Civil iha Oecusse la heta asesu NGO Lokal sira iha Oecuse - Oecusse la iha Pontu Vokal ba Fundus Sociedade Civil (Autoridade) - Dadus Ema ho Defisiencia seidauk klaru tuir Wasington Quetion Group |

1.5.Rekomendasaun Sira Haktuir ba Komentariu no Identifikasaun Isu Nasionál

1.5.1. Setór Saúde

Hadi'a fasilidade saúde iha área remota sira, hanesan iha Timor-Leste, prezisa aprosimasaun multi-setoral ida-ne'ebé ko'alia kona-ba infraestrutura, staffing, fornesimentu, no envolvimentu comunidade hanesan tuir mai.

Avaliasaun no Planeamentu:

Antes atu realiza no elabora formulasaun iha OJE 2025 nian, ami rekomenda atu halo avaliasaun kle'an ida kona-ba fasilidade saúde, infraestrutura no nesesidade kuidadu saúde iha área remota sira iha Munisípiu 13 inklui RAEOA. Envolve ho comunidade lokal atu kompriende sira-nia dezafiu, preferénsia no konsiderasaun kulturál sira.

Estabelese enkuadramentu monitorizasaun no avaliasaun ne'ebé forte hodi halo monitorizasaun ba progresu no impaktu husi esforsu hadi'a fasilidade saúde nian. Nune'e, prezisa estabelese avaliasaun regulár ba indikadór dezempeñu xave sira hanesan asesu ba kuidadu saúde, utilizaun servisu, rezultadu saúde, no satisfasaun pasiente. Uza feedback husi forneseadór saúde no membru comunidade sira atu identifika dezafiu, lisaun ne'ebé aprende ona, no área sira atu hadi'a tan.

Infraestrutura

Ami sujere atu Governu Da-IX, dezenvolve planu ida-ne'ebé komprensivu ne'ebé deskreve objetivu sira ba tempu badak no tempu naruk atu hadi'a fasilidade saúde sira. Ba kondisaun atuál sira harii ka renova instalasaun saúde sira atu asegura katak sira iha ekipamentu báziku sira hanesan fornesimentu bee moos, eletrisidade, no instalasaun saneamentu. Ami sujere atu uza téknika konstrusaun ne'ebé kustu-efetivu no sustentavel hodi minimiza despeza no asegura durasaun husi postu saúde sira. Aleinde ne'e, ami rekomenda atu konsidera asuntu inkluzau iha planu dezeńu konstrusaun ka rehabilitasaun husi postu saúde, nune'e bele asesível ba ema ho defisiénsia sira.

Rekursu Umanu ba professional Saude

Ba kondisaun ne'ebé kuaze munisípiu too posto sira kuaze hasoru mak menus rekursu umanu ba professional saúde sira, nune'e ami rekomenda atu resolve ka rekruta no treinu profesionál saúde sira, inklui médiku, enfermeira, parteira, no pesoál saúde komunitária sira, ba pesoál sira liu-liu formasaun oinsá hala'o atendimentu espésifiku ba maluk sira ho defisiénsia.

Aleinde ne'e, ami sujere atu oferese insentivu sira ba transporte, uma, no oportunidade atu avansa karreira hodi atrai pesoál saúde sira ba área rural sira. Seluk mak fornese formasaun no apoiu kontinua hodi hasa'e kapasidade no kapasidade pesoál saúde lokal sira-nian liu-liu atu bele hadi'ak liu qualidade atendimentu ida ne'eb'e inkluzivu.

Supply Ai-moruk

Estabelese sistema supply chain ne'ebé forte atu asegura disponibilidade konsistente ba ai-moruk esensial sira, vasina, ekipamentu médiku no fornesimentu iha fasilidade saúde remota sira. Implementa instrumentu jestaun inventáriu no mekanizmu monitorizasaun regulár atu prevene stockouts no wastage.

Ami sujere ba Governu atu hametin parseria ho kompañia farmaseutika sira, ONG sira, no organizasaun internasionál sira atu asegura fonte forneseimentu ne'ebé asesivel no fiar-na'in.

Ikus liu relasiona ho menus makina apoiu médiku nian, ami sujere atu introdus introdús plataforma telemediku sira atu fasilita konsultasaun, diagnóstiku no tratamentu remote liu husi liga forneseidór saúde sira iha área remota sira ho espesialista sira iha sentru urbanu sira.

Implementa aplikasaun saúde movel (mSaude) ba pesoál saúde komunitária sira atu fasilita koleasaun dados, edukasaun saúde, no akompañamentu pasiente.

1.5.2. Setór Edukasaun

Atu hatán ba falta infraestrutura edukasaun no asesu iha área remota sira iha Timor-Leste, prezisa aprosimsaun komprehensivu ida-ne'ebé envolve hadi'a infraestrutura fízika, hasa'e formasaun no rekrutamentu ba profesór sira, hasa'e envolvimentu comunidade, no hala'o teknolojia. Iha ne'e mak solusaun detalladu ida:

Dezenvolvimentu infraestrutura:

- Konstrui eskola foun sira ka rehabilita eskola sira ne'ebé eziste iha área remota sira atu fornese ambiente aprendizajen ne'ebé inkluzivu, seguru, no kondusivu.
- Asegura katak eskola sira iha fasilidade báziku sira hanesan sala aula, biblioteca, laboratóriu no instalasaun saneamentu.
- Uza métodu konstrusaun ne'ebé kustu-efetivu no sustentavel hodi maximiza impaktu husi rekursu limitadu sira.
- Ami sujere atu kontinua inkorpora ba dezeńu planu konstrusaun eskola sira ka rehabilitasaun sira konsidera asuntu jeneru no inkluziun, nune'e bele asesível ba ema ho defisiénsia.

Promove Ai-han Nutritivu iha Programa Merenda-Eskolar

Haktuir ba diskusaun husi membru ONG munisípiu 13 no RAEOA, kuaze maioria kestiona kona ba aplikasaun merenda escolar ne'ebé la haktuir ba estratejia loloos ne'ebé hatuur ona atu redús número mal-nutrisaun tanba ai-han forneseidu laos ai-han nutritive no domina ho ai-han importadu.

Tanba ne'e sujere atu Governu Da-IX avalia fila fali ba programa refere, liu-liu asegura katak nia aplikasaun fornese duni ai-han ne'ebé saudavel no nutritivu husi produktu lokal atu nune'e programa atu halo redusaun persentajen malnutrisaun bele realiza duni ho efetivu no efikasiasa.

Treinamentu no Rekrutamentu Mestre nian

- Fornese programa formasaun espesializada ba profesór sira ne'ebé servisu iha área remota atu hasa'e sira-nia abilidade pedagójika, koñesimentu konteúdu, inklui formasaun ba manorin nain sira ba asuntu sensibilidade ba ema ho defisiénsia, no abilidade jestaun klase.
- Insentiva profesór sira atu servisu iha rejiaun remota sira liu husi saláriu kompetitivu, asisténsia uma, oportunidade dezenvolvimentu profisionál, no dalan ba avansa karreira.
- Rezolve no rekruta membru comunidade lokál sira nu'udar profesór sira atu asegura relevante kulturál no profisionál lian nian, nune'e aumenta comunidade nia na'in ba sistema edukasaun.

Dezenvolvimentu no Adaptasaun Kurrikulu

- Dezenvolve kurrikulu kulturalmente relevante no kontestualmente apropiadu ne'ebé reflète nesidade, valór no aspirasaun estudante sira-nian iha área remota sira.

- Inkorpora abilidade pratika, koñesimentu lokál no perspetiva rai-na'in sira-nian ba kurikulu hodi halo aprendizajen envolve no significativu liután ba estudante sira.
- Adaptasaun materiál no rekursu hanorin nian atu akompaña estilu aprendizajen oioin no background linguistiku husi estudante sira iha comunidade remota sira.
- Ami sujere ba Governu Da-IX konstituisional atu harii eskola rekorente ba Ensino sekundáriu inklui mós estabese klase rekorente ba munisípiu sira iha Timor-Leste.

Asesu ba Rekursu Edukasaun

- Fornese eskola sira iha área remota sira ho materiál hanorin no aprendizajen ne'ebé adekuaudu, inklui livru testu, estasaun, ekipamentu teknolojia, no konetividade internét ne'ebé bele haree.
- Estabese biblioteca movel ka servisu livru movel atu asegura estudante sira iha asesu ba rekursu edukasaun oin-oin, maske iha área sira ne'ebé laiha biblioteca fiksiu.
- Promove abilidade literasia dijital entre estudante no profesór sira atu aproveita poténsia teknolojia aprendizajen no asesu ba informasaun.

1.5.3. Infrastrutura

Dezenvolvimentu Infrastrutura Estrada

Liu husi formulasaun OJE 2025 nian, ami sujere ba Governu atu halo avaliaasaun kle'an hodi identifika área prioridade sira ba konstrusaun estrada ka hadi'a rejiaun remota sira bazeia ba isu hirak ne'ebé ami relata iha tabela sira iha leten ne'ebé representadu husi munisípiu 13 no RAEOA.

Iha formulasaun planu no dezeña projetu infrastrutura estrada ami rekomenda atu asegura katak sira reziliente ba dezafiu ambiental sira hanesan udan boot, rai-slide, no variaasaun iha rai. Uza tékniku enjeñaria no materiál ne'ebé apropiadu hodi harii estrada sira ne'ebé bele tahan ba ezijsia tráfiku todan no kondisaun klimatika ne'ebé la di'ak.

Manutensaun no Reparasaun:

Kondisaun estrada sira durante ne'e iha suku balu no aldeia balu ne'ebé kondisaun grave hodi limita comunidade sira iha area remota atu hala'o sira nia atividade. Nune'e ami sujere ba Governu atu implementa oráriu manutensaun regulár atu hadi'a estrada sira ne'ebé eziste iha área remota sira, inklui atividade sira hanesan klasifikasaun, hamoos drenajen, hadi'a ai-horis, no harii mós ba estrada iha fatin remotas sira ne'ebé seidak asesu ba estrada di'ak hanesan identifikadu iha tabela leten.

1.5.4. Setór Bee no Saneamentu

Hadi'a instalasaun bee inkluziva no saneamentu iha área remota sira iha Timor-Leste presiza aprosimaasaun ida-ne'ebé halo avaliaasaun komprehensivu atu identifika neseseidade bee no saneamentu iha comunidade sira ne'ebé dook, inklui asesu ba bee moos, facilidade saneamentu, no prátika ijiene. Dezenvolve planu adekuaudu sira ne'ebé fó prioridade ba prestasaun servisu abastesimentu bee-moos no saneamentu ne'ebé seguru no sustentavel hodi hodi bele fornese moris dignu ba populaasaun sira hotu iha area remotas sira.

Fornese iniciativa formasaun no kapasitasaun ba membru comunidade sira, komité bee, no tékniku lokál sira kona-ba jestaun rekursu bee, teknolojia saneamentu, abilidade manutensaun, no mudansa hahalok ijiene. Aleinde ne'e, haforsa kapasidade funsionáriu governu lokál sira, pesoál saúde sira, no edukador sira atu suporta iniciativa bee, saneamentu no ijiene (WASH), integra WASH iha programa saúde no edukasaun, no implementa regulamentu no padraun relevante sira.

1.5.5. Investe iha Setór Produtivu Sira

Ami sujere atu Governu Da-IX atu tau konsiderasaun aas ba investimentu iha setór produtivu sira hodi resolve problema sosial inklui mos ekonomia domestika ne'ebé ohin loron kontinua ho dominasaun produktu importadu sira, no ekonomia domestika ne'ebé nafatin seidauk kontribui signifikativu ba reseita rai-laran.

Maioria husi populasaun kuaze 65% hala'o moris ho vida agrikultura subsistensia, nune'e agrikultura no setór produtivu sira nu'udar fonte prinsipál ba moris maioria populasaun iha Timor-Leste. Liu husi investe sériu iha setór refere, nasaun ne'e bele ona fó oportunidade empregu ba comunidade rurál sira, inklui agrikultór ki'ik sira, traballador sira, no agronegosiu sira, hodi nune'e bele hamenus dezempregu no kiak.

Seluk mak resolve ba kondisaun inseguransa ai-han ne'ebé kuaze ho 36%. Importante tebes atu asegura seguransa ai-han no nutrisaun iha Timor-Leste. Maioria populasaun depende ba agrikultura subsisténsia ba sira-nia sustentabilidade loroloron nian, no ai-han ne'ebé prodús iha rai-laran hanesan fos, masin, ai-farina, no modo sira sai hanesan baze ba sira-nia dieta.

Too ohin loron, Governu iha ona hanoin atu promove diversifikasaun ekonomia, haree ba realidade husi dependensia ba FP ne'ebé sei labele finansia ba tempu naruk. Ami hanoin katak ho investimentu estratéjiku liu iha set'or produtivu hanesan agrikultura, no setór industria transformadora sira oferese oportunidade ba diversifikasaun ekonómika no valór adisionál liu husi dezentvolvimentu indústria agro-procesamentu, kadeira valór no ligasaun merkadu. Liu husi aumenta valór ba produktu agríkola no promove empreziedade agríkola, Timor-Leste bele hasa'e nia kompetitividade no kria oportunidade empregu ho valór aas.

1.5.6. Turismu

Haktuir ba informasaun sira no potencialidade husi kada munisípiu hatudu katak iha área ida-idak iha fatin turistico tebes ne'ebé Governu Da-IX bele identifika no promove nia potencialidade liu husi eco-turismu ne'ebé haktuir ba karakteristikas husi nasaun Timor-Leste nian. Tanba bainhira Governu Da-IX dezenvolve eco-turismu iha Timor-Leste bele hasa'e nasaun nia furak naturál úniku, biodiversidade, no patrimóniu kulturál no mós promove prátika sustentavel sira ne'ebé fó benefísiu ba comunidade lokál sira no proteje ambiente.

1.6. Konkluzan

Ami sujere atu iha elaborasaun Orsamentu Jerál Estadu 2025 nian atu promove aprosimsaun partisipativu ida ne'ebé inkluzivu no envolve inan-aman, kuidadu no lider komunitáriu sira iha prosesu foti desizaun edukasaun, saúde, no infraestrutura báziku sira seluk liuhosi asosiasaun inan-aman-na'in sira ka comunidade, komisaun jestaun, no forum komunitáriu sira.

Setór saúde, edukasaun, bee no saneamentu, no infraestrutura bázika sira sai hanesan setór importante tebes ba Timor-Leste tanba sira-nia impaktu signifikativu ba dezentvolvimentu umanu, progresu sosio-ekonomiku, no moris-di'ak iha jeral. Nune'e ami sujere atu setór hirak ne'e hetan apropriasaun ida justu iha alokasaun Orsamentu Jerál Estadu 2025 hanesan prioridade ida ne'ebé refleta ho realístiku iha planu programa Governu Da-IX nian.

Presiza duni foka ba investimentu iha saúde, edukasaun, bee no saneamentu, no infraestrutura báziku sira importante tebes ba promosaun dezentvolvimentu umanu, hamenus kiak, no atinji kreximentu sustentavel no inkluzivu iha Timor-Leste. Setór hirak-ne'e liga malu no reforsa malu, hodi forma fundasaun ba sociedade ida-ne'ebé prosperu no reziliente ba ekonomia povu nian no nasaun Timor-Leste.

Aleinde ne'e, ami sujere atu hakbiit estabilidade sosial no reziliente liu husi investe iha setór produtivu hanesan agrikultura, industria kiik, no turismo atu kontribui ba estabilidade sosiál, hakbiit ekonomia, no reziliensia komunidade, no prezervasaun kulturál iha Timor-Leste liu husi reforsu rede sosiál, sistema koñesimentu tradisionál no prátika kona-ba rai kostumeira. Nune'e, bele promove koezaun sosiál, soberania ai-han, estabilidade ekonomia lokal, no hametin identidade kulturál entre komunidade rurál sira iha Timor-Leste ida ne'ebé sustentavel, inkluzivu no reziliente.